



Broj: T09 0 KT 0192160 24
Sarajevo, 22.05.2024. godine

P R I T V O R !

OPĆINSKI SUD U SARAJEVU
Sudiji za prethodno saslušanje
SARAJEVO

Na osnovu člana 45. stav 2. tačke h). i člana 241. stav 1. ZKP-a F BiH, **p o d i ž e m:**

O P T U Ź N I C U

Protiv:

DŽEMAJLI IBUŠA, zvani „Puška“, rođen 1968. godine, nastanjen u Sarajevu, u ulici, završenih pet razreda osnovne škole, pismen, po zanimanju radnik, nezaposlen, oženjen, otac sedmero punoljetne djece, po izjavi srednjeg imovnog stanja, po narodnosti Rom-Bošnjak, državljanin BiH, JMB, **ranije osuđivan po Presudi Osnovnog suda I Sarajevo, broj: K-714/89-1 od 08.02.1990. godine zbog krivičnog djela iz člana 153. i 147. stav 1. KZ R BIH na kaznu zatvora u trajanju od 6. (šest) mjeseci uvjetno na 2. (dvije) godine, Policijski sud u Antwerpenu, broj: 2006/25542 od 24.10.2006. godine zbog osiguranja vozila i bez vozačke dozvole na kaznu zatvora uz trajanju od 4. (četiri) mjeseca sa odgodom 1. (jedne) godine i novčanu kaznu 2.500,00 Eura ili 90. (devedeset) dana sa zabranom vožnje od 1. (jedne) godina, Policijski sud u Antwerpenu, broj: 2006/30907 od 06.12.2006. godine- vozač nema osiguranje vozila i vozilo nije registrovano na kaznu zatvora uz trajanju od 6. (šest) mjeseci i novčanu kaznu od 2.750,00 Eura ili 90. (devedeset) dana i zabranu vožnje od 1. (jedne) godina i Policijski sud u Antwerpenu, broj: 2007/1643 od 18.01.2007. godine- vozilo nije registrovano na novčanu kaznu od 275,00 Eura ili 15. (petnaest) dana, nalazi se u pritvoru u KPZ Zenica po Rješenju Općinskog suda u Sarajevu od 02.03.2024. godine i Rješenju o produženju mjere pritvora, Općinskog suda u Sarajevu od 29.03.2024. godine, po kojem pritvor može trajati do 29.05.2024. godine ili do nove odluke Suda;**

Što je:

1. Tokom 2021. godine na području Kantona Sarajevo, u cilju sticanja protivpravne imovinske koristi, iako svjestan da neovlašteno nabavlja i drži materije i pripravke propisom proglašene opojnim drogama, čiji promet je zabranjen u smislu odredbi Zakona o sprečavanju i zloupotrebi opojnih droga (Službeni glasnik BiH, broj: 8/06 od 07.02.2006. godine) što je i htio, pa je od njemu poznatih osoba radi dalje prodaje nabavljao veće količine opojne droge amfetamina koje je prenosio i čuvao u kuću čiji je vlasnik u ulici, u Ilidži, gdje je opojnu drogu prepakivao u manje vrećice i paketiće pogodne za dalju prodaju, nakon čega su dana 22.10.2021. godine oko 16.25. sati službenici Državne agencije za istrage i zaštitu, prilikom pretresa porodične kuće na adresi u ulici u Ilidži, kod istog pronašli i oduzeli 1. (jednu) pvc. zip vrećicu u kojoj se nalazio pvc. paketić (zavezan u čvor) i u njemu pvc. paketić (zavezan u čvor) sa bijelom materijom neto mase 64,080. grama, 1.(jedan) žuti pvc. paketić sa bijelom materijom, neto mase 0,322. grama, 1.(jedan) žuti papirni omot u kojem se nalazila pvc. zip vrećica i u njoj pvc.zip vrećica sa bijelom vlažnom materijom neto mase 293,080. grama, 1. (jedan) žuti papirni omot u

kojem se nalazila metalna kašika, cca. dužine 14.cm i na njoj bijela materija, neto mase 3,000. grama, 1. (jedan) pvc .paketić i u njemu bijela materija u formi grumena, neto mase 1.576. grama i žuti pvc. paketić sa bijelom materijom, neto mase 1,706.grama i 1. (jedan) žuti papirni omot u kojem se nalazila pvc. vrećica i u njoj pvc. vrećica sa bijelom materijom, neto mase 4,272. grama, koji sadrže psihotropnu supstancu amfetamin koji se nalazi na Popisu opojnih droga, psihotropnih tvari, biljaka iz kojih se može dobiti opojna droga i prekursor, Zakona o sprečavanju i suzbijanju zloupotrebe opojnih droga („Službeni glasnik BiH“, broj: 8/06, 103/08 i 51/11),

2. Dana 22.10.2021. godine oko 16.25. sati u, u Ilidži, svjestan da bez odobrenja nadležnog organa drži i nosi vatreno oružje, što je i htio, suprotno odredbi člana 74. Zakona o nabavljanju, držanju i nošenju oružja i municije Kantona Sarajevo („Službene novine Kantona Sarajevo“, broj: 1/18) nabavio, držao i nosio 1. (jedan) pištolj marke „CZ“, model ..., kal. 7,65. mm, fabričkog broja:..... sa dva originalna okvira za pištolj sa dva bojeva metka kalibra 7,65x17. mm i četiri bojeva pištoljska metka kalibra 6,35 x15,8. mm, suprotno odredbi člana 7. stav 1. tačke b), u vezi sa članom 10. stav 1. Zakona o nabavljanju, držanju i nošenju oružja i municije Kantona Sarajevo („Službene novine Kantona Sarajevo“, broj: 1/18, 13/18 i 30/19), iako za nabavljanje i držanje navedenog oružja i municije, nije imao potrebno odobrenje izdato od MUP KS, PU Ilidža.
3. Dana 22.10.2021. godine oko 16.25. sati u, u Ilidži, suprotno članu 7. stav 2. Zakona o nabavljanju, držanju i nošenju oružja i municije Kantona Sarajevo (Službene novine Kantona Sarajevo, broj: 1/2018, 13/2018 i 30/2019), iako svjestan da je građanima zabranjena nabavka, držanje i nošenje oružja iz člana 6. kategorije a) tačke 8. istog Zakona, što je htio, neovlašteno posjedovao: 1. (jedan) pištolj marke „Ekol“, fabričkog broja:, sa okvirom bez metaka, koji je po izvornoj verziji kalibra 8. mm i koji je naknadno prepravljen na mogućnost ispaljivanja bojevih metaka kalibra 6,35x15,8.mm, iako svjestan da nabavka i prepravljanje ovog oružja građanima uopća nije dozvoljena.
4. Tokom 2024. godine na području Kantona Sarajevo, u cilju sticanja protivpravne imovinske koristi, iako svjestan da neovlašteno nabavlja i drži materije i pripravke propisom proglašene opojnim drogama, čiji promet je zabranjen u smislu odredbi Zakona o sprečavanju i zloupotrebi opojnih droga (Službeni glasnik BiH, broj: 8/06 od 07.02.2006. godine) što je i htio, pa je od njemu poznatih osoba radi dalje prodaje nabavljao veće količine opojne droge amfetamina i cannabisa, koje je prenosio i čuvao u kuću čiji je vlasnik u ulici, u Ilidži, gdje je opojnu drogu prepakivao u pakete i vakum vrećice pogodne za dalju prodaju potom putem mobilnog telefona marke „Samsung“ broja:, ostvarivao telefonske kontakte sa kupcima opojne droge, da bi dana 01.03.2024. godine oko 08.30. sati, službenici Državne agencije za istrage i zaštitu prilikom pretresa porodične kuće, čiji je vlasnik na adresi u ulici, u Ilidži, kod istog pronašli i oduzeli plavu plastificiranu torbu i u njoj 15. vakumiranih providnih pvc. paketa sa mokrom materijom blijedo roze boje, neto mase 993,83 grama, 1098,51 grama, 1069,70 grama, 992,01 grama, 918,76 grama, 1001,39 grama, 992,32 grama, 968,79 grama, 992,66 grama, 961,55 grama, 1092,93 grama, 994,58 grama, 988,10 grama, 979,30 grama i 697,08 grama, ukupne mase 14.741,51 grama, koji sadrže psihoaktivnu komponentu amfetamin zatim 5. vakumiranih prozirnih pvc. paketa sa mokrom materijom blijedo žute boje, neto mase 985,71 grama, 940,63 grama, 999,39 grama, 987,89 grama i 868,97 grama, ukupne mase 4.782,59 grama, koji sadrže psihoaktivnu komponentu amfetamin, zatim jednu otvorenu bijelu vakum vrećicu sa sadržajem vlažne materije, bruto mase 58,514 grama sa sadržajem psihaktivne komponente amfetamina, jednu prozirnu zip vrećicu i u njoj prozirnu pvc. vrećicu sa sadržajem vlažne materije, bijele boje, bruto mase

103,843 grama sa psihoaktivnom komponentom amfetamin, jednu prozirnu zip.vrećicu sa tragovima psihoaktivne komponente amfetamina, jednu zelenu pvc. vrećicu i u njoj tri prozirne pvc. vrećice vezane u čvor sa sadržajem zelene biljne materije, neto mase 12,793 grama, 8,814 grama i 0,865 grama, ukupne mase 22.472 grama, sa psihoaktivnom komponentom tetrahidrokanabinol (THC) u udjelu većem od Zakonom propisnom i predstavljaju opojnu drogu Cannabis, koji se sa psihaktivnom komponentom amfetaminom nalaze na Popisu opojnih droga, psihotropnih tvari, biljaka iz kojih se može dobiti opojna droga i prekursori utvrđenoj po Zakonu o sprečavanju i suzbijanju zloupotrebe opojne droge („Službeni glasnik BiH“, broj: 8/06,103/08 i 51/11) i jedan mobilni telefonski aparat marke „Samsung“ boje, sa zaštitnim staklom na poledini telefona IMEI broja:

Dakle, pod tačkom 1. optužnice nabavljao radi prodaje, kupovao i držao materije propisom proglašene opojnim drogama, **pod tačkom 2. optužnice** bez odobrenja nadležnog organa nabavio i držao vatreno oružje i municiju, **pod tačkom 3. optužnice** neovlašteno držao vatreno oružje, čija nabavka građanima uopće nije dozvoljena i **pod tačkom 4. optužnice** neovlašteno nabavljao radi prodaje, kupovao i držao materije propisom proglašene opojnim drogama,

Čime je, pod tačkom 1. optužnice počinio krivično djelo Neovlaštena proizvodnja i stavljanje u promet opojnih droga iz člana 238. stav 1. Krivičnog zakona Federacije BiH, **pod tačkom 2. optužnice** počinio krivično djelo Nabavljanje, držanje i nošenje oružja i municije bez odobrenja iz člana 74. stav 1. tačka a) Zakona o nabavljanju, držanju i nošenju oružja i municije Kantona Sarajevo („Službene novine Kantona Sarajevo“, broj: 1/18), **pod tačkom 3. optužnice** počinio krivično djelo nedopušteno držanje oružja ili eksplozivnih materija iz člana 371. stav 1. KZ F BiH i **pod tačkom 4. optužnice** počinio krivično djelo Neovlaštena proizvodnja i stavljanje u promet opojnih droga iz člana 238. stav 1. Krivičnog zakona Federacije BiH u vezi sa članom 55. istoga Zakona, a sve u vezi sa članom 54. KZ F BiH.

Na osnovu člana 151. stav 1. ZKP-a F BiH, **podnosim:**

PRIJEDLOG ZA PRODUŽENJE MJERE PRITVORA

Predlažem da se u smislu člana 151. stav 1. ZKP-a F BiH osumnjičenom Džemajli Ibušu nakon potvrđivanja optužnice produži mjera pritvora, po osnovu odredbe člana 146. stav 1. tačka c) ZKP-a F BiH, obzirom da smatram da i dalje postoje razlozi zbog kojih je pritvor određen po Rješenju Općinskog suda u Sarajevu od 02.03.2024. godine i produžen po Rješenju o produženju pritvora Općinskog suda u Sarajevu.

KANTONALNI TUŽILAC